



ՍՈՒՐԲ ԳՐՈՑ ՄԻԱՅՅԱԼ ԸՆԿԵՐՈՒԹՅՈՒՆՆԵՐԻ ՆԵՐԿԱՅԱՑՈՒՑԻՉՆԵՐԸ ՄԱՅՐ ԱԹՈՌՈՒՄ

Փետրվարի 25-ին, չորեքշաբթի օրը, որպես տուրիստներ, Մայր Աթոռ ժամանեցին բրիտանական և օտար Ս. Գրոց միացյալ ընկերությունների ներկայացուցիչներ կանոնիկոս Ռ. Վ. Ֆ. Վուտտոնը և դոկտ. Վիլլըմ Դ. Ռիբլըրը, որոնք Մայր տաճարում իրենց աղոթքը կատարելուց հետո, Վեհարանում ընդունվեցին Հայոց Հայրապետի կողմից:

Ժամը 16-ին Վեհարանում, ի պատիվ հյուրերի, տրվում է բարի գալստյան ճաշկերույթ, որին մասնակցում են նաև տ. Սերովբե, տ. Հուսիկ սրբազանները, տ. Ծնորհք, տ. Նարեկ վարդապետները, «Էջմիածին» ամսագրի խմբագիր Ա. Հատիսյանը և Մայր Աթոռի միջնեկեղեցական հարաբերությունների բաժնի ընդհանուր քարտուղար Պարզև Ծահրազյանը:

Այնուհետև, ժամը 18-ին, Վեհարանում Հայոց Հայրապետի և հարգելի հյուրերի միջև տեղի է ունենում գրույց Ս. Գրոց միացյալ ընկերությունների գործունեության և ապագա ծրագրերի շուրջ:

Փետրվարի 26-ին և 27-ին հարգարժան հյուրերը այցելում են ս. Գեղարդ, Գառնի, Երևանի Մեսրոպ Մաշտոցի անվան ձեռագրաց Մատենադարան և ապա՝ մայրաքաղաքի տեսարժան վայրերը:

Փետրվարի 27-ին, ուրբաթ օրը, ժամը 13-ին, Վեհարանում Ս. Գրոց միացյալ ընկերությունների ներկայացուցիչներ կանոնիկոս Ռ. Վուտտոնը և դոկտ. Վիլլըմ Դ. Ռիբլըրը մասնավոր տեսակցություն են ունենում տ. Հայկազուն արքեպիսկոպոսի և վերջերս Մայր Աթոռում չորս Ավետարանների և Գործք առաքելոցի արևելահայերենի նոր թարգմանությունը կատարած Ա. Հատիսյանի, Պ. Ծահրազյանի և Ս. Անթույանի հետ՝ ծանոթանալու համար կատարված թարգմանության մեթոդին և սկզբունքներին:

Ջերմ գրույցի ընթացքում տեղի է ունենում ներկաների միջև մտքերի աշխույժ և հետաքրքրական փոխանակություն, Մայր Աթոռ ս. Էջմիածնի և Ս. Գրոց միացյալ ընկերությունների կենտրոնի համագործակցության և Աստվածաշնչի արևելահայերեն և արևմտահայերեն նոր թարգմանությունների և հրատարակությունների մասին:

Ժամը 17-ին հարգարժան հյուրերը այցելում են հոգևոր ճեմարան, ուր տեսուչ տ. Ծնորհք վրդ. Գասպարյանը անգլերեն լեզվով իր ուղերձում ողջունում է Ս. Գրոց միացյալ ընկերությունների ներկայացուցիչ-

ներին, հաջողություն մաղթելով նրանց գործունեությանն ու առաքելությանը:

Հոգևոր գեմարանի սաները, ի պատիվ հյուրերի, կատարում են հայերեն և անգլերեն լեզուներով շարականներ և հոգևոր երգեր:

Վերջում կանոնիկոս Վուստոնը և դոկտ. Ռիբբըրնը խոսք առնելով ջերմ շնորհակալություն են հայտնում նախ Ամենայն Հայոց Հայրապետին՝ բացառիկ և ջերմ ընդունելության և հյուրասիրության, ապա հոգևոր գեմարանի հարկի տակ այս հանդիպման հա-

մար դասախոսական կազմի և ուսանողության հետ:

Այնուհետև հարգարժան երկու հյուրերը ուսանողությանը խոսում են իրենց գործունեության և դժվարին, պատասխանատու, բայց և շնորհակալ աշխատանքների մասին:

Փետրվարի 28-ին, շաբաթ օրը, առավոտյան ժամը 11-ին, Ս. Գրոց միացյալ քննչությունների ներկայացուցիչները հրաժեշտ են առնում Մայր Աթոռից և Հայոց Հայրապետից երախտագետ զգացումներով և անմոռաց տպավորություններով ու վերադառնում իրենց պաշտոնատեղին:

